

საქართველოს სოც.



საბჭ. რესპუბლიკის

მუშათა და გლეხთა მთავრობის

## კანონთა და განკარგულებათა კრებული

იუსტიციის სასახლელ კომისარიატის გამოცემა

1929 წ. თებერვლის 16

№ 2

ნაწილი პირველი

### შ ი ნ ა ა რ ს ი :

#### ცენტრალური აღმასრულებელი კომიტეტის დადგენილებანი.

17. დადგენილება № 84 ც. ა. კ.—ცენტრალური დაწესებულებისა და ადგილობრივი ორგანოების მიერ საბჭოთა არჩევნებისათვის დანმარების გაწევის შესახებ.

18. დადგენილება № 90 ც. ა. კ.—საბჭოების და საბჭოთა ყრილობების არჩევნების შესახებ 1929 წელში.

19. დადგენილება № 93 ც. ა. კ.—განსაკუთრებული საარჩევნო ნორმების დაწესების შესახებ აჭარისტანის ავტონომიური სოც. საბჭ. რესპუბლიკისათვის.

20. დადგენილება 102 ც. ა. კ.—პროსტიტუციასთან ბრძოლის ცენტრალური რესპუბლიკანური საბჭოს დებულების დამტკიცების შესახებ.

დებულება პროსტიტუციასთან საბრძოლველად სრულიად საქართველოს ცენტრალურ აღმასრულებელ კომიტეტთან არსებული ცენტრალური რესპუბლიკანური საბჭოს შესახებ.

21. დადგენილება № 103 ც. ა. კ. და ს. კ. ს.—სისხლის სამართლის კოდექსის 115 და 118 მუხლების რედაქციის შეცვლის შესახებ.

22. დადგენილება № 104 ც. ა. კ.—საბჭოთა საარჩევნო კამპანიის განხორციელებაში მონაწილეობის მისაღებად გაგზავნილი მუშების საწარმოში მუშაობისაგან განთავისუფლებისა და მათთვის საშუალო სამუშაო ხელფასის შენახვის შესახებ.

23. დადგენილება № 105 ც. ა. კ. და ს. კ. ს.—ვენერიულ სენთან საბრძოლველ ღონისძიებათა შესახებ.



## ცენტრალური აღმასრულებელი კომიტეტის დადგენილება.

### 17. დადგენილება № 84 ც. ა. კ.

**ცენტრალური დაწესებულებისა და ადგილობრივი ორგანოების მიერ საბჭოთა არჩევნებისათვის დახმარების გაწევის შესახებ.**

იმ მიზნით, რომ მომავალი (1928/1929 წლის) საბჭოთა არჩევნების წინასწარი მოსამზადებელი მუშაობა, თვით არჩევნების წარმოება და არჩევნების შედეგების გამოკვლევა ორგანიზაციულ-ტექნიკური მხრით წარმატებით იქნეს ჩატარებული, სრულიად საქართველოს საბჭოთა ცენტრალური აღმასრულებელი კომიტეტი ადგენს:

1. დაევალოს ქვემოთ ჩამოთვლილ ორგანოებს, საბჭოების არჩევნებისა და საბჭოთა ყრილობების მოწვევის შესახებ გამოცემული ინსტრუქციის 30 მუხლის თანახმად, მიაწოდონ საქალაქო, სარაიონო, სათემო, ან სასოფლო საარჩევნო კომისიებს კუთვნილებისამებრ ცნობები.

ა) სასამართლო ორგანოებმა—იმ პირთა შესახებ, რომელნიც სასამართლოს განაჩენით უფლება-აყრილი არიან, ან ვიხედაც სასამართლოს გამოტანილი აქვს განაჩენი მათი განდევნის შესახებ მუდმივი საცხოვრებელი ადგილიდან:

ბ) საფინანსო ორგანოებმა იმ პირების საშემოსავლო და სარეწაო გადასახადის გასტუმრების შესახებ, ვინც დაქირავებულ შრომას გამოიყენებს მოგების გამოსარჩენად, ან ვინც არაშრომითი შემოსავლით სცხოვრობს, აგრეთვე იმ პირთა მიერ პატენტების აღების შესახებ, ვინც კერძო ვაჭრობას და აგრეთვე სავაჭრო და საკომერციო შუამავლობას ეწევა.

გ) დამხლევემა სალაროებმა—იმ პირთა მიერ დახლევეის თანხების შეტანის შესახებ, ვინც დაქირავებულ შრომას გამოიყენებს მოგების გამოსარჩენად.

დ) სამეურვეო ორგანოებმა—იმ სრულწლოვან მოქალაქეთა შესახებ, რომელთათვისაც დაწესებულია მეურვეობა ან მზრუნველობა,

და ე) ჯანმრთელობის ორგანოებმა—იმთა შესახებ, ვინც სულით ავადმყოფად ან ქუანაკლებად იქნება ცნობილი.

2. ცენტრალურ სტატისტიკურ სამმართველოს და მის ადგილობრივ ორგანოებს დაევალება ხელმძღვანელობა გაუწიონ საარჩევნო კომისიებს არჩევნების სააღრიცხვო ფორმების სისწორით შედგენის საქმეში; გარდა ამისა სამაზრო აღმასრულებელი კომიტეტის სტატისტიკური განყოფილება ვალდებულია შეკრიფოს, წესრიგში მოიყვანოს და დაამუშაოს არჩევნების შედეგების აღრიცხვის ყველა მასალა სამაზრო აღმასრულებელი კომიტეტის საორგანიზაციო განყოფილების ხელმძღვანელობით.

3. დაევალოს იუსტიციის სახალხო კომისარიატს, ფინანსთა სახალხო კომისარიატს, სოციალური დახლევეის რესპუბლიკანურ კომიტეტს, ჯანმრთელობის სახალხო კომისარიატს და ცენტრალურ სტატისტიკურ სამმართველოს სა-

ქართველოს ცენტრალური აღმასრულებელი კომიტეტის საორგანიზაციო განყოფილებასთან შეთანხმებით შეიმუშაონ და მათ ქვემდებარე ორგანოებს მიაწოდონ 1-ლ მუხლში გათვალისწინებული ცნობების შეკრევისა და საარჩევნო კომისიებისათვის გადაცემის წესები.

სრულიად საქართველოს ცენტრ. აღმასრულებელი კომიტეტის თავმჯდომარე ფ. შახარაძე.

სრულიად საქართველოს ცენტ. აღმასრულებელი კომიტეტის მდივანი ი. ვარძიელი.

1928 წ. ნოემბრის 14.  
 ტფილისი—სასახლე.

გამოქვეყნებულია გაზ. „კომუნისტის“ 266 №-ში 1928 წ. ნოემბრის 17.

## 18. დ ა დ გ ე ნ ი ლ ე ბ ა № 90 ც. ა. კ.

საბჭოების და საბჭოთა ყრილობების არჩევნების შესახებ 1929 წელში.

საქ. სოც. საბჭ. რესპ. კონსტიტუციის 65 მუხლის თანახმად სრულიად საქართველოს საბჭოთა ცენტრალურ აღმასრულებელი კომიტეტი ადგენს:

1. მოხდეს 1929 წელს სასოფლო, სათემო და საქალაქო საბჭოების, აგრეთვე სამაზრო აღმასრულებელი კომიტეტების არჩევნები.

**შენიშვნა.** არჩევნების წესი განისაზღვრება სრულიად საქართველოს საბჭოთა ცენტრალური აღმასრულებელი კომიტეტის განსაკუთრებული ინსტრუქციით—მუშათა, გლეხთა და წითელარმიელთა დეპუტატების საბჭოების არჩევნებისა და საბჭოთა ყრილობების მოწვევის შესახებ.

2. მოსამზადებელ მუშაობას არჩევნებისათვის სათანადო ორგანოები უნდა შეუდგინენ დაუყოვნებლივ ამ დადგენილების ძალაში შესვლისთანავე; საანგარიშო და წინასწარ არჩევნების კამპანია უნდა განხორციელდებულ იქნეს 1929 წლის იანვრის 1-დან იმავე წლის თებერვლის 1-მდე, ხოლო საბჭოების არჩევნები უნდა მოხდეს 1929 წლის თებერვლის 1-დან მარტის 1-მდე.

3. აფხაზეთის სოც. საბჭ. რესპუბლიკისა, აჭარისტანის ავტონომიური სოც. საბჭ. რესპუბლიკისა და სამხრეთ-ოსეთის ავტონომიური ოლქის საბჭოების ყრილობები და საბჭოთა სამაზრო ყრილობები მოწვეულ უნდა იქნენ 1929 წლის მარტის 1-დან მარტის 15-მდე.

4. სრულიად საქართველოს საბჭოთა ყრილობა მოწვეულ იქნეს 1928 წლის მარტის მეორე ნახევარში.



5. სათანადო ორგანოებს დაევალებათ დაუყონებლივ შეადგინონ აფხაზეთის სსრ-ისა, აჭარისტანის ავტონომიური სსრ-ისა და სამხრეთ-ოსეთის ავტონომიური ოლქის საარჩევნო კომისიები და ტფილისის სამაზრო-საქალაქო, სამაზრო, საქალაქო, სარაიონო, სათემო და სასოფლო საარჩევნო კომისიები საარჩევნო ინსტრუქციით გათვალისწინებული წესისამებრ.

სრულიად საქართვე. ცენტრალური აღმ.  
კომიტეტის თავმჯდომარე ფ. მახარაძე.

სრულიად საქართვე. ცენტრალური აღმ.  
კომიტეტის მდივანი ი. ვარძიელი.

1928 წ. ნოემბრის 21.  
ტფილისი-სასახლე.

### 19. დ ა დ გ ე ნ ი ლ ე ბ ა № 93 ც. ა. კ.

განსაკუთრებული საარჩევნო ნორმების დაწესების შესახებ აჭარისტანის ავტონომიური სოც. საბჭ. რესპუბლიკისათვის.

სრულიად საქართველოს ცენტრალური აღმასრულებელი კომიტეტი, 1928 წლის ნოემბრის 21-ს დამტკიცებული საბჭოთა არჩევნების ინსტრუქციის 59 და 80 მუხლით გათვალისწინებული საარჩევნო ნორმების გამონაკლისის დასამყარებლად, ადგენს:

აჭარისტანის ავტონომიური სოც. საბჭ. რესპუბლიკის ტერიტორიაზე დეპუტატები სათემო საბჭოში აირჩევიან იმ ანგარიშით, რომ ერთი დეპუტატი მოდიოდეს ყოველ 50 მცხოვრებზე, ხოლო დეპუტატები საბჭოთა სამაზრო ყრილობისათვის იმ ანგარიშით, რომ ერთი დეპუტატი მოდიოდეს: ყოველ 250 მცხოვრებზე—სათემო საბჭოსაგან და ყოველ 100 ამომრჩეველზე—ბათუმის ქალაქის საბჭოსაგან.

სრულიად საქართვე. ცენტრალური  
აღმასრულებელი კომიტეტის თავმჯდომარე ფ. მახარაძე.

სრულიად საქართვე. ცენტრალური  
აღმასრულებელი კომიტეტის მდივანი ი. ვარძიელი.

1928 წ. დეკემბრის 5.  
ტფილისი—სასახლე.

გამოქვეყნებულია გაზ. „კომუნისტი“-ს 283 №-ში 1928 წ. დეკემბრის 7-ს.

## 20. დ ა დ გ ე ნ ი ლ ე ბ ა № 102 ც. ა. კ.

პროსტიტუციასთან ბრძოლის ცენტრალური რესპუბლიკანური საბჭოს დებუ-  
ლებების დამტკიცების შესახებ.

სრულიად საქართველოს ცენტრალური აღმასრულებელი კომიტეტი ადგენს:  
დამტკიცებულ იქნეს ამასთანავე დართული დებულება „პროსტიტუციის  
წინააღმდეგ საბრძოლველად სრულიად საქართველოს ცენტრალურ აღმასრულებ-  
ელ კომიტეტთან არსებული ცენტრალური რესპუბლიკანური საბჭოს შესახებ“.

სრულიად საქართველოს ცენტრალური  
აღმასრულ. კომიტეტის თავმჯდომარე ფ. მახარაძე.

სრულიად საქართველოს ცენტრალური  
აღმასრულებელი კომიტეტის მდივანი ი. ვარძიელი.

1928 წ. ნოემბრის 14.  
ტფილისი — სასახლე.

## დ ე ბ უ ლ ე ბ ა

პროსტიტუციასთან საბრძოლველად სრულიად საქართველოს ცენტრალურ აღ-  
მასრულებელ კომიტეტთან არსებული ცენტრალური რესპუბლიკანური საბ-  
ჭოს შესახებ.

1. პროსტიტუციასთან საბრძოლველად წარმოებული მუშაობის გაერთიან-  
ებისა და შეთანხმების მიზნით სრულიად საქართველოს ცენტრალურ აღმასრუ-  
ლებელ კომიტეტთან მოწყობილია ცენტრალური რესპუბლიკანური საბჭო.

2. ცენტრალური რესპუბლიკანური საბჭოს შედგენილობაში შედიან წარ-  
მომადგენელნი:

1. სრულიად საქართველოს ცენტრალურ აღმასრულებელ კომიტეტთან  
არსებული მშრომელ ქალთა შრომისა და ყოფა-ცხოვრების გამაუმჯობესებელი  
კომისიისა;

2. საქართველოს კომუნისტურ პარტიის ცენტრალურ კომიტეტთან არსე-  
ბული მუშა-ქალთა და გლეხ-ქალთა განყოფილებისა;

3. ახალგაზრდა ლენინელთა კომუნისტური კავშირისა;

4. შინაგან საქმეთა სახ. კომისარიატისა;

5. იუსტიციის სახ. კომისარიატისა;

6. განათლების სახ. კომისარიატისა;

7. ჯანმრთელობის სახ. კომისარიატისა;

8. სოც. უზრუნველ. სახ. კომისარიატისა;

9. შრომის სახ. კომისარიატისა;

10. ამიერკავკასიის რკინის გზებზე ჯანმრთელობის დაცვისათვის საქართველოს სსრ ჯანმრთელობის სახ. კომისარიატთან არსებული ა/კ რესპუბლიკების ჯანმრთელობის სახ. კომისარიატების რწმუნებულის სამმართველოსი;

11. ტფილისის აღმასრულებელი კომიტეტის ჯანმრთელობის დაცვის განყოფილებისა;

12. საქართველოს წითელი ჯვრისა და წითელი ნახევარმთვარის საზოგადოებისა;

13. კავკასიის წითელდროშინი არმიის სამხედრო-სასანიტარო სამმართველოსი;

14. ტფილისის შრომის ბირჟისა და

15. საქართველოს პროფესიონალურ კავშირთა საბჭოსი.

3. ცენტრალური რესპუბლიკანური საბჭოს თავმჯდომარედ არის საქართველოს სსრ ჯანმრთელობის სახალხო კომისარი, მდივანდ—ცენ. რესპ. საბჭოს წევრი—ქალთა კომისიის წარმომადგენელი. საბჭო გამოიყენებს სრულიად საქართველოს ცენტრალური აღმ. კ-ტის კანცელარიის აპარატს.

4. ცენ. რესპ. საბჭოს სხდომები მოიწვევა საქიროებისამებრ, ხოლო თვეში ერთჯერ მაინც.

5. ცენ. რესპ. საბჭო საქიროებისდა მიხედვით მოიწვევს გაფართოებულ სხდომებს, რომელზედაც სათათბირო ხმის უფლებით მოიწვევიან სხვა დაწესებულებებისა და ორგანიზაციების წარმომადგენელნი და აგრეთვე ის პირნიც, რომელთა დასწრება ხელს შეუწყობს პროსტიტუციასთან ბრძოლის საკითხების რაციონალურად გადაწყვეტას.

6. ცენტრალურ რესპუბლიკანურ საბჭოს დაკისრებული აქვს:

ა) ყველა იმ უწყებისა, დაწესებულებისა და ორგანიზაციის მუშაობის გაერთიანება და წარმართვა, რომლებიც რესპუბლიკის ტერიტორიაზე პროსტიტუციასთან ბრძოლას აწარმოებენ;

ბ) სათანადო დაწესებულებისა და ორგანიზაციის მეშვეობით იმის გამორკვევა და შესწავლა, თუ რამდენად და რა სახითაა პროსტიტუცია გავრცელებული და რა პირობები უწყობს ხელს მის გავრცელებას;

გ) ცენტრში და ადგილობრივ პროსტიტუციის მთავარ მიზეზებთან საბრძოლველად კონკრეტულ ღონისძიებათა დეტალური დამუშავება;

დ) წინასწარი განხილვა ყველა ადმინისტრატიული, საკანონმდებლო და დისპანსერული ხასიათის ღონისძიებისა, რასაც დაიმუშავებენ როგორც ის დაწესებულება-ორგანიზაციები, რომელთა ცენ. რესპ. საბჭოში თავისი წარმომადგენლები ჰყავთ, ისე ისინიც, რომელთაც წარმომადგენლები არა ჰყავთ;

ე) პროსტიტუციასთან საბრძოლველ რაციონალურ ღონისძიებათა შესახებ გეგმაშეწონილი და დაწერილებითი ინსტრუქციების გაწევა იმ დაწესებულება-ორგანიზაციებისათვის, რომელნიც აწარმოებენ ბრძოლას პროსტიტუციასთან როგორც ცენტრში, ისე ადგილობრივ;

ვ) რესპუბლიკის მასშტაბით მორალური და მატერიალური დახმარების აღმოჩენა ყველა იმ დაწესებულება-ორგანიზაციისათვის, რომლებიც პროსტიტუციას ებრძვიან;

ბ) ცენ. რესპ. საბჭოს მიერ დასახული მიზნების ზედმიწევნითი და გეგმა-შეწინილი პოპულარიზაცია მშრომელთა ფართო მასებს შორის, როგორც ცენტრში, ისე ადგილობრივ;

თ) მშრომელთა მასებში, სათანადო ორგანიზაციების მეშვეობით, ფართო სასანიტარო-საგანმანათლებლო აღმზრდელობითი მუშაობის წარმოება. ამ მასების პიკინურად აღზრდის მიზნით და მათ შორის ქორწინებისა და ოჯახური ურთი-ერთობის სფეროში ახალი პრინციპების გავრცელება (ლექციები, საუბრები, სანიტარული შინაარსის წარმოდგენები და სხვ.);

ი) ორივე საფეხურის სკოლაში სქესობრივი აღზრდის საკითხის სწორი და რაციონალური დაყენებისათვის ხელისშეწყობა;

კ) ქალის ეკონომიური, უფლებრივი და პოლიტიკური განთავისუფლება სა-თანადო ორგანიზაციებისათვის სოციალისტური აღმშენებლობის პროცესში სა-მოქმედო სტიმულის მიცემის გზით;

ლ) ქალის მატერიალურ უმწეობასა და უპატრონობასთან ბრძოლა აღმშე-ნებლობის ყველა დარგში ქალის აქტიურად ჩაბმით (კოლექტივი, ფროფილაქ-ტორია, კვალიფიკაციის ამაღლება და სხვ.), დედათა და ბავშვთა დაცვით, ქა-ლის შრომის დაცვით, როგორც საერთოდ, ისე კერძოდ ქალთა უმუშევრობას-თან ბრძოლით, უპატრონო ქალებისა და ბავშვებისათვის ახალი სახლების მო-წყობისა და უკვე არსებული სახლების გაფართოებისათვის ხელისშეწყობით და სხვ.

მ) უღმობელი და გადამწყვეტი ბრძოლა პროსტიტუციის ხელისშემწყობ პიკებთან—მაჰანკლებთან, გარყვნილების ბუდეთა პატრონებთან და სუტენე-რებთან, რომელთა წინააღმდეგ მიღებულ უნდა იქნეს ყოველგვარი ადმინისტრა-ტიული და სასამართლოს ზედმოქმედების ღონისძიება;

ნ) ვენერიული სენით დაავადებულთათვის ხელმისაწვდომი უფასო წამლო-ბის მოწყობა ვენერიულ დისპანსერებისა და პროფილაქტორიების ქსელის გაფართოებით.

## 21. დადგენილება № 103 ც. ა. კ. და ს. კ. ს.

სისხლის სამართლის კოდექსის 115 და 118 მუხლების რედაქციის შეცვლის შესახებ.

სრულიად საქართველოს მე-II მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის და-დგენილების მე-2 მუხლის წესისამებრ (კან. კრ. 1924 წ. 1-ლი №-რი, მუხ. 7), სრულიად საქართველოს ცენტრალური აღმასრულებელი კომიტეტი და საქარ-თველოს სსრ სახალხო კომისარია საბჭო ადგენენ:

1. საქართველოს სსრ სისხლის სამართლის კოდექსის 115 მუხლის მეორე ნაწილი მიღებულ იქნეს შემდეგი რედაქციით:

„ხოლო, უკეთუ ხელისუფლების ან სამსახურებრივი უფლებამოსილობის გადაშეცემას თან სდევდა, გარდა ამისა, ძალადობა, ან იარაღის ხმარება, ან

დაზარალებულის განსაკუთრებით დატანჯვა და მისი პირადი ღირსების შეურაცყოფა—

თავისუფლების აღკვეთას არა ნაკლებ სამი წლისა სასტიკი იზოლაციით.

2. საქართველოს სსრ სისხლის სამართლის კოდექსის 118 მუხლის მეორე ნაწილი მიღებულ იქნეს შემდეგი რედაქციით:

„ ხოლო განსაკუთრებით დამამძიმებელ გარემოებაში (ანგარება, სიყალბე, ქონების გატაცება, მექრთამეობა და სხვ.)—

თავისუფლების აღკვეთას არა ნაკლებ ხუთი წლისა სასტიკი იზოლაციით.

სრულიად საქართველოს ცენტრალური აღმას-  
რულებელი კომიტეტის თავმჯდომარის მაგ. ვ. სტურუა.

საქართველოს სსრ სახალ. კომ. საბჭ. თავმჯდ. ლ. ქართველიშვილი.

სრულიად საქართველოს ცენტრალური აღმას-  
რულებელი კომიტეტის მდივანი ი. ვარძიელი.

1928 წ. დეკემბრის 18.

ტფილისი—სასახლე.

---

## 22. დადგენილება № 104 ც. ა. ქ.

საბჭოთა საარჩევნო კამპანიის განხორციელებაში მონაწილეობის მისაღებად გაგზავნილი მუშების საწარმოში ბუშაობისაგან განთავისუფლებისა და მათთვის საშუალო სამუშაო ხელფასის შენახვის შესახებ.

სრულიად საქართველოს ცენტრალური აღმასრულებელი კომიტეტი ადგენს: ის მუშები, რომლებიც სათანადო ორგანოების განკარგულებით გაიგზავნებიან ტფილისის და სხვა ქალაქების საწარმოებიდან საბჭოთა საარჩევნო კამპანიის განხორციელებაში მონაწილეობის მისაღებად, განთავისუფლებული უნდა იქნენ თავიანთ საწარმოში მუშაობისაგან მთელი იმ დროის განმავლობაში, როდესაც ისინი მივლინებაში იქნებიან, და ამავე დროს განმავლობაში მათ უნდა შეენახათ მათი საშუალო სამუშაო ხელფასი.

სრულიად საქართველოს ცენტრალური აღმას-  
რულებელი კომიტეტის თავმჯდომარის მაგ. ვ. სტურუა.

სრულიად საქართველოს ცენტრალური  
აღმასრულებელი კომიტეტის მდივანი ი. ვარძიელი.

1928 წ. დეკემბრის 29.

ტფილისი—სასახლე.

---



### 23. დადგენილება № 105 ც. ა. კ. და ს. კ. ს.

#### ვენერიულ სენთან საბრძოლველ ღონისძიებათა შესახებ.

ვენერიულ სენის გაგრძელებასთან საბრძოლველად სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ჯანმრთელობის ორგანოს უფლება აქვს: ა) იძულებით შეამოწმოს ესა თუ ის პირი, უკეთუ საკმაო საფუძველი ექნება იფიქროს, რომ მას ვენერიული სენი სჭირს, თანაც ისეთ სტადიაში, როდესაც ეს სენი გადამდებია, და უკეთუ ნებაყოფლობით არ თანხმდება შემოწმებაზე; ბ) იძულებით უწამლოს იმ პირს, რომელსაც ამა დადგენილების მე-2 მუხლში გათვალისწინებული წესით შემოწმების შემდეგ აღმოაჩნდა ვენერიული სენი გადამდებ სტადიაში, უკეთუ ეს პირი ნებაყოფლობით არ თანხმდება წამლობაზე.

**შენიშვნა 1.** ამა მუხლის „ა“ პუნქტში აღნიშნული უფლება ვრცელდება აგრეთვე ისეთ შემთხვევაზედაც, როდესაც საქიროა განმეორებითი შემოწმება.

**შენიშვნა 2.** იძულებითი წამლობა გაგრძელდება იმ დრომდე, ვიდრე სენი გადამდებ ძალას არ დაჰკარგავს.

2. იძულებითი შემოწმებისა და აგრეთვე იძულებითი წამლობის უფლება აქვთ მხოლოდ ჯანმრთელობის ორგანოებს, თანაც მარტოდენ იმ პირთა მიმართ, რომელთა დაავადებაც გამორკვეულია მედიკო-სანიტარული დაწესებულების მიმდინარე მუშაობის დროს, და:

ა) რომელნიც ისეთ საბინაო პირობებში ცხოვრობენ, რომ საბინაო სანიტარულ ზედამხედველობის დასკვნით, შეუძლიანთ თავისი სენი შეჰყარონ მათ გარშემო მყოფ პირთ;

ბ) რომელნიც ისეთ პირობებში მუშაობენ, რომ სანიტარულ ზედამხედველობის დასკვნით შეუძლიანთ თავისი სენი შეჰყარონ იმათ, ვისაც ისინი მომსახურებას უწევენ ან ვინც მათთან ერთად მუშაობს;

გ) რომელნიც 1 და 2 საფეხურის და ფაბრიკა-ქარხნის სკოლებში და ტექნიკუმებში სწავლობენ—სასკოლო-სანიტარულ ზედამხედველობის დასკვნით;

დ) რომელნიც დაქირავებით მუშაობენ ძიძათ ან შინა-მოსამსახურედ—სამკურნალო-სანიტარული ზედამხედველობის დასკვნით;

ე) იმ ორსულ ქალების მიმართ, რომელთა სიფილისით დაავადება (ამ სენის ყოველ სტადიაში) გამორკვეულია მედიკო-სანიტარული დაწესებულების მიმდინარე მუშაობის დროს.

3. იძულებითი შემოწმებას და იძულებითი წამლობას ჯანმრთელობის ორგანოები აწარმოებენ უსასყიდლოდ.

**შენიშვნა.** დაზღვეული პირის იძულებითი წამლობა სწარმოებს სოციალური დაზღვევის სათანადო ორგანოს ხარჯით.

4. ის პირი, რომელიც, ჯანმრთელობის ორგანოს მოთხოვნის მიუხედავად, თავს აარიდებს ამა დადგენილებით გათვალისწინებულ შემოწმებას ან წამლობას ან და თავის ნებით მიატოვებს დაწყებულ წამლობას, პასუხს აგებს სისხლ. სამ. კოდ. 212 მუხლისამებრ, უკეთუ მისი ქმედობა არ შეიცავს იმავე კოდექსის 157 მუხ. გათვალისწინებულ ქმედობის ნიშნებს.

5. ამა დადგენილების შეფარდების წესი განისაზღვრება იმ ინსტრუქციით, რასაც გამოსცემს ჯანმრთელობის სახალხო კომისარიატი შინაგან საქმეთა და იუსტიციის სახალხო კომისარიატებთან შეთანხმებით.

სრულიად საქართველოს ცენტრალური აღმასრულებელი კომიტეტის თავმჯდომარის მაგიერ **ვ. სტურუა.**

საქართველოს სსრ სახალხო კომისართა საბჭოს თავმჯდომარის მოადგილე **გ. მგალობლიშვილი.**

სრულიად საქართველოს ცენტრალური აღმასრულებელი კომიტეტის მდივანი **ი. ვარძიელი.**

1928 წ. დეკემბრის 22.  
ტფილისი—სასახლე.